



毛詩曰自伯之東有如飛蓬豈無膏沐誰適為容 又曰角枕粲兮錦衾爛兮子美忘此誰與獨旦 又曰我徂東山滔滔不歸我來自東零雨其濛 濛鳴于垓婦歎于室 又曰采綠刺怨曠也幽王之時多怨曠者終朝采綠不盈一掬于髮曲高薄言歸沐終朝采藍不盈一襜五日為期六日不嘗 又曰靜女其姝俟我於城隅愛而不見搔首踟躕 又曰燕尔新婚如兄如弟 又曰未見君子憂心忡忡亦既見止亦既覯止我心則降 又曰未見君子憂心惓惓亦既見止亦既覯止我心則悅 左傳晉叔向曰昔賈大夫惡妻妻而美三年不言不笑御以如皐射雉獲之其妻始笑而言 又晉文公謂季隗曰待我二十五年不來而後嫁季隗曰我二十五年矣又如而是而嫁則就木焉 說苑曰齊王起九重之臺募國中能畫者賜之錢有敬君居常飢寒其妻妙色敬君工畫臺貪賜畫臺去家月久

思憶其妻像向之而笑傍人見以白王王召問之對曰有妻如此去家日
久心常念之竊畫其像以慰離心不悟上聞 漢張敞為婦畫眉帝知問
之敞曰閨房之內夫婦之私有過此者 又李夫人得幸武帝而卒上憐
閔焉圖畫其像於甘泉宮初李夫人病篤上自臨候之夫人蒙被謝曰妾
久寢病形貌毀壞不可以見帝上曰夫人病亦甚殆將不起一見我屬託
兄弟豈不快哉夫人曰尊官在帝不在一見上復言欲必見之夫人遂轉
面向壁歔歔上不悅而起夫人姊妹讓之曰獨不可一見上屬託兄弟耶
夫人曰不見帝者乃欲深託兄弟也夫以色事人者色衰則變馳上所戀
戀念我以平生容貌也今見我毀壞顏色非昔必且畏惡我尚肯復錄
其兄弟哉 風俗通曰有張伯借仲借兄弟形貌絕相類仲借妻新粧竟
忽見伯借乃戲問曰今日粧飾好不伯借應之曰我伯借也妻乃趨避之
頃又見伯借猶以為仲借告云向大錯誤伯借曰我故伯借也 世說
曰王渾妻鍾夫人每常卿渾渾曰詎可爾妻曰憐愛卿是以卿卿我不卿
卿誰當卿卿 又曰荀奉倩妻曹氏有艷色妻常病熱奉倩乃出中庭取

今遂以家對之妻亡人弔不哭而神傷無幾奉倩亦卒 又曰孫楚妻丁
至祥仍為詩以悼之王武子見其文曰未知文生於情情生於文見此便
人增伉儷之重 湘川記曰舜巡狩蒼梧而崩三妃不從思隱舜以淚染
竹竹盡為斑詩古詩曰青青河畔草鬱鬱園中柳盈盈樓上女皎皎當
牀難獨守 又曰上山採蘼蕪下山逢故夫長跪問故夫新人復何如新
人誰云好求若故人姝其色似相類手爪不相如新人從門入故人從閤
去新人工織縑故人工織素織縑日一疋織素五丈餘持縑將比素新人
不如故 又曰蘭若生春陽涉冬猶盛滋願言追昔愛情款感四時美人
在雲端天路隔無期 後漢焦仲卿妻劉氏為姑所遣時人傷之作詩曰
孔雀東南飛五里一徘徊十三能織綺十四學裁衣十五彈箏篋十六誦
書詩十七嫁為婦心中常苦悲君既為府吏守節情不移鷄鳴入機織夜
夜不得息三日斷五疋大人故言遲非為織作遲君家婦難為妾有繡腰
襦感雜金縷光紅羅複斗帳四角垂香囊交文象牙簟宛轉素絲繩

雖可薄猶中迎故人 魏陳王曹植詩曰攬衣出中閨道遙步兩盪閑房
何寂寥綠草被階庭空穴自生風百鳥翔南征春思安可忘憂戚之君并
佳人在速道妾身單且裝歡會難再遇蘭之不重榮人皆棄舊愛君豈若
平生寄松為女蘿依水如浮萍費身奉襟帶朝夕不隨傾儻中顧盼恩承
副我中情 又曰明月照高樓流光正徘徊上有愁思婦悲歎有餘哀惜
問歎者誰云是客子妻君行踰十年孤妾常獨棲君若清路塵妾若濁水
泥浮沉各異勢會合何時諧願為西南風長遊入君懷君懷時不開妾心
將何依 又曰西北有織婦綺綺何續紛明晨秉機杼日晏不成文太息
終長夜悲嘯入青雲妾身守空房良人從行軍自期三年歸今已歷九春
孤鳥繞樹翔嗷嗷鳴索群願為南流景馳光見我君 魏徐幹室思詩曰
浮雲何洋洋願因通我辭一抗不可歸嘯歌久踟躕人離皆復會我獨無
及前日君之出矣明鏡開不洽思君如流水何有窮已時 晉潘岳內顧
詩曰靜君懷所歡登城望四澤春草鬱青青矣如何奕奕芳林振丹榮淚
水激素石初征水未泮忽焉振綿絢漫漫二千里迢迢遠行客馳情戀朱

雲可除過盡天末愁極清晨朝悲終日夕山川自悠求願言良不獲別
訪歸期雲深不可釋 晉陸機為陸思遠婦作詩曰二合兆嘉偶女子禮
有行教已入德門終遠母與兄如何就詩龍遊宦忘歸寧雖為三載婦頭
景媿虛名歲暮饒悲風洞庭涼且清拊枕循薄質非君誰見榮離君多悲
心寤寐勞人情敢忘桃李西側想瑤與瓊 又擬青青河畔草詩曰靡靡
沅離草熠燿生河側皎皎彼姝女婀娜當軒織粲粲嬌容安灼灼美顏色
良人遊不歸偏棲獨隻翼空房來悲風中夜起歎息 又擬蘭若生春陽
詩曰嘉樹生就陽疑想封其條執心守時信歲寒終不凋美人何其曠的
的在雲霄 晉張華情詩曰北方有佳人端坐教鳴琴終晨撫管絃日久
不成音憂來結不解我思存所欽 又情詩曰君居北海陽妾在江南陰
懸瀛極脩途山川阻且深承歡注隆愛結分投所欽衿恩守篤義萬里託
微心 又詩曰遊目四野外逍遙獨延佇蘭蕙綠清渠繁華陰淥渚佳人
不在茲取之欲誰與巢居知寒風穴處知陰雨不曾遠別離安知暮博侶
宋孝武帝擬空思詩曰自君之出矣金翠間無精思君如日月迴環晝夜

生 宋江夏劉義恭擬詩曰自君之出矣綺錦不閉思君如清風曉夜
嘗徘徊 宋顏師伯擬詩曰自君之出矣芳帷不舉思君如迴雪流亂
無端緒 齊王融秋胡詩曰日月共爲照松筠俱以貞佩紛甘自遠結鏡
待君明且協金蘭好方愉琴瑟倩佳人忽千里空閨積思生 梁簡文帝
詠人棄妾詩曰昔時嬌玉志含羞花燭邊宣言心愛斷銜啼私自憐但覺
歡成怨非關醜易妍獨鵲能中路孤鸞苑鏡前 又春宵詩曰花樹含春
藜羅帳夜長空風聲隨篠簾月色與池同綵牋徒自發無信徃雲中 又
曉思詩曰晨禽爭學轉朝花亂欲開鑪烟入斗帳屏風隱鏡臺紅粧幾盡
淚蕩子何嘗來 又冬曉詩曰冬朝日照梁含愁下前牀帷寒竹葉帶鏡
轉菱花光合是無人覺何用早紅粧 又秋閨夜思詩曰非關長信別詎
是良人征九重忽不見萬恨滿心生夕門掩魚鑰宵牀悲盡屏翅月臨窗
度吟蛩繞砌鳴初霜墮細葉秋風吹亂螢故粧猶累日新衣製未成欲知
妾不寐城外搗砧聲 又倡樓怨節詩曰朝日斜來照五春鳥爭飛出
片光片影皆麗一聲一轉煎心上 紛紛花落淇水漠漠苔浮年馳節流

易盡何爲忍意羞 又春別詩曰別觀蒲萄帶實垂江南草莖生連枝
無情無意又如此有心有恨徒別離 又詩曰可憐淮水去來朝春堤楊
柳覆河橋淚痕未燥詎終朝行聞玉佩已相要 又詩曰桃紅李白若朝
粧羞持憔悴北新芳不惜暫住君前死愁無西國更生香 梁元帝寒閨
詩曰烏鵲夜南飛良人行未歸池水浮明月寒風送褊衣願織迴文錦因
君寄武威 又閨怨詩曰蕩子從游宦思妾守房櫳塵鏡朝朝掩寒牀夜
夜空若非有權悅何事久西東知人相望否淚盡夢啼中 又代舊姬有
怨詩曰寧爲萬里隔作死生離那堪眼前見故愛逐新移未展春花落
處被涼風吹怨黛聲還歛啼紅拭復垂誰能巧爲賦黃金安不貲 又別
詩曰昆明夜月光如練上林朝花色如霞花朝月夜動春心誰忍相思今
不見 又詩曰試看機上蛟龍錦還瞻庭裏合歡花映日通風影珠幔飄
花拂葉度金地不聞離人當重合唯悲合罷會成離 又詩曰門前楊柳
亂如絲直置佳人不自持適言新作裂紈詩誰悟今成織素辭 又詩曰
日暮徙倚看橋西正見流月與雲齊若使月光無近遠應照離人今暝啼

又詩曰別罷花枝不共攀別後書信不相關欲覓行人寄消息衣常潮水
噴應還 又詩曰三月堯花合面脂五月新油好煎澤莫須臨時不寄人
漫道江中無估客 梁武陵王蕭妃夜夢詩曰昨夜夢君歸賤妾下鳴機
極知意氣薄不着去時衣故言如夢裏賴得鴟書飛 梁范雲擬古詩曰
自君之出矣羅帳咽秋風思君如葛草連延不可窮 梁王僧孺爲何遜
舊姬擬上 山采蘼蕪詩曰出戶望蘭薰囊簾正逢君斂容裁一訪新人詎
可聞新人含笑近故人含笑隱妾意在寒松君心逐朝槿 又爲姬人怨
詩曰自知心裏浪還向影中羞廻持昔慊慊變作今悠悠還君與妾兩歸
妾與君表絃斷猶可續心去最難留 又爲人傷近而不見詩曰羸女鳳
皇樓漢姬柏梁殿詎過仙將死音容不可見獨我一心人同鄉不異縣異
縣不成隔同鄉更脉脉脉脉如牛女幽幽寄一語 又作寵姬詩曰及君
高堂遠值妾妍粧罷曲房褰錦帳廻廊步珠庭王釵時可挂羅襦詎難解
再顧連城易一眇千金買 又詠姬人詩曰窈窕守容華但歌有情曲轉
眇非無以斜眉幸相屬不減許飛瓊多勝劉璧玉何因送款款半飲杯中

蘇 梁蕭子顯春別詩曰胡鬢度變比翼楊柳千條共一色但看陌上
攜手歸誰能對此空中憶 又詩曰幽宮積草自芳菲黃鳥芳樹情相依
爭風竟日常聞響重花飄葉不通飛當知此時動妾思暫使罷袂拂臣衣
又詩曰銜悲攢涕別心知飛花爭色任風吹本知人心不似禱何意人別
似花離 梁別綰贈詩曰別後春池異荷盡欲生冰箱中剪刀冷臺上
面脂凝纖腰轉無力美衣怨不勝 又秋閨詩曰樓上起秋風絕望秋閨
中燭溜花行滿香燼奩欲空徒交兩行淚俱浮粧上紅 梁吳筠閨怨詩
曰胡笳厲淒斷征蓬未肯遠妾坐江之介君戍小長安相去三千里參差
書信難四時無人見誰復重羅紈 又閨怨詩曰春草可攬結妾心正斷
絕綠鬢愁中改紅顏啼裏滅非獨淚如珠亦見珠成血願爲飛鵠繞翩翩
照離別 又古意詩曰賤妾思不堪採桑渭城南帶減連枝繡髮亂鳳皇
簪花舞依長薄鴉飛愛綠潭無由報君此流涕向春蚕 梁庾肩吾春宵
詩曰征人別來久年芳復臨牖燭下夜縫衣春寒偏著手願及歸飛鵠因
書向高柳 又冬曉詩曰鄰雞聲已傳愁人竟不眠月光侵曙後霜明落

曉前紫髮起照鏡誰忍髮花鈿 梁劉孝綽春宵詩曰春宵猶自長春心
非一傷月帶團樓影風飄花樹香誰能對雙鸞暝守空牀 又冬曉詩
曰冬曉風正寒偏念客衣單臨粧罷鈿盒淚扇綫紅寄語龍城下詎知
書信難 又古意詩曰燕趙多佳麗白日照紅粧蕩子十年別羅衣雙帶
長春樓怨難守玉階悲自傷對此歸飛鸞銜泥繞曲房老池入綺幕上下
傍雕梁故居猶尚多故人安可忘徒然枕枕席誰與同衣裳空使蘭膏夜
烟烟對繁霜 梁河遜閨怨詩曰曉河沒高棟斜月半空庭牕中度葉落
簾外隔飛螢含情下翠帳掩涕閉金屏昔期今未及春草萋復青君無
轉易何異北辰星 又詠娼婦詩曰曖曖高樓暮華燭帳前明羅帷雀
影宵瑟鳳鷓鴣登夜花枝上發新月露中生誰念當牕痛相望猶盈盈 梁
曹邴長門怨詩曰向夕千悲起司恨何嗟及愁思且歸求羅襦方掩泣絳
樹搖風軟黃鳥弄聲急金屋貯嬌時不言君不入 梁劉孝綽閨怨詩曰
本無金屋寵長作玉階悲一乖西北覆寧復城南期求巷愁無歌應門
有時空勞織素巧徒為團扇詞臣狀終不共何由橫自私 梁劉孝綽

詩曰花開人不歸節後衣須變迴釵挂玉鏡拭淚繩春線今夜月輪圓
胡兵必應戰 又冬曉詩曰妾家邊洛城慣識曉鐘聲鐘聲猶未盡漢使
報應行天寒硯水凍心悲書不成 梁劉孝先春宵詩曰夜月明月夜露
下百花解情多意不設帶罷未歸眠燉煌定若遠一信動經年 又冬曉
詩曰晨霞影翠惟思婦織霜絲經寒牽行澁釧冷調梭遲乍廢倡樓粉食
赴遠人期 梁王筠望情詩曰月出宵將半星流曉未央空閨易成響虛
室自生光嬌羞悅人夢猶言君在傍 又向曉閨情詩曰北斗行欲沒東
方稍已稀晨雞初下樓曉露上露木衾稠徒有設信誓果相違詎忍開朝
鏡羞恨掩空扉 又春遊詩曰叢蘭已飛蝶楊柳半藏鷗物色相前滿微
步出東家既同翡翠翼復如桃李花欲以千金笑廻君流水車 梁陸星
詩曰目憐斷帶日偏恨分釵時留步惜餘影含意結愁眉徒知今異昔空
使怨成思欲以別離意獨向華蕪悲 梁鮑泉寒閨詩曰行人消自斷空
閨靜復寒風急朝機隙鏡暗晚粧難從來腰自卜衣帶就中寬 梁劉綽
閨怨詩曰暫別猶添恨何忍別經時聚桂頻銷業庭樹幾攀枝君言妾貌

改妾長君心後終須一相見併得兩心知 又月夜閨中詩曰閨中日已
暮樓上月初華樹陰綠砌上寒影向牀斜開屏爲客書卷帳照垂花誰能
當此夕獨處類倡家 梁蕭子暉春宵詩曰夜夜妾偏極百花含露低盡
聲繞春岸月色出空閨情語長安驛辛吉寄遼西 又冬曉詩曰步欄光
欲通曙鳥向西東爐暖傳餘氣帷香開曉風繁花無處盡還銷寒鏡中
梁劉邈秋閨詩曰螢飛綺牕外妾思霍將軍燈前量獸錦管下織花紋
露如輕雨長河似薄雲秋還百種事衣成不暇黑 梁蕭子雲春思詩曰
春風蕩羅帳餘花落鏡奩池荷正卷葉庭柳復垂澹竹栢老自改團扇妾
方嫌詎能憐故素終爲江新練 梁何思澄古意詩曰故交不可忘德如
蘭桂芳新知雖可悅不異采萸香妾有鳳皇曲非無陌上桑薦君君不御
桐琴自悲涼 梁未越賦得蕩子行未歸詩曰坐樓愁出望息意不思
燕茶園中柳寒時已報人捉柳蓋理鬢排朱懶回唇何當上路晚風吹遠
騎塵 陳陰鏗南征閨怨詩曰湘水舊言深江客理難尋獨愁無處道長
不自禁作人憎解佩從來願聽音唯當有夜鵲南飛似妾心 又秋閨

怨詩曰獨眠雖已慣秋來只自愁火龍怕暖脚行障鎮牀頭眉含
淚粉共流誰能無限別唯守一空樓 陳李爽山家閨怨詩曰山中
早梅荆扉曉晴開竹巾君自折荷衣誰爲裁行雲無處所人住任陽臺
陳張正見山家閨怨詩曰王孫春好遊雲鬢不勝愁離鴻暫罷曲別路已
經秋山中桂花晚勿爲俗人留 又賦得佳期竟不歸詩曰良人萬里向
河源倡婦三秋思柳園路遠寄詩空織錦宵長夢反欲驚魂飛蛾屢繞惟
前燭衰草遠侵階上玉銜啼拂鏡不成粧徒枉繫絃還亂曲時念年移竟
不歸偏憎信急夜縫衣流螢映月明空帳踈葉從風入斷機自對孤鸞尚
影絕終無一鴈帶書飛 陳徐湛賦得班去趙姬升詩曰班姬與飛燕俱
侍漢王宮不意恩情歇偏將衰草同香飛金輦外苔上玉階中今日悲團
扇非是爲秋風 隋江惣賦得空閨怨詩曰蕩妻怨獨守盧姬傷獨居瑟
上調絃落機中織素餘自羞淚无燥翻覺夢成虛復嗟長信閤寂寂往來
踈 又爲姬人怨服散詩曰天寒海水慣相知空牀明月不相宜庭中芳
桂憔悴兼井上疎桐零落枝寒燈作花羞夜短霜鴈多情怕結伴非爲龐

水望秦川直置思君腸自斷薄命天豈好神仙逆愁高飛向紫烟金丹欲
成猶百鍊玉酒新釀幾十年妾家邯鄲好輕薄特念仙童一丸藥自悲行
處綠苔生何悟帝多紅粉落莫輕小婦狎春風羅襪也得步河宮雲車欲
駕應相待羽衣未去妾須同不孝蕭史還樓上會逐姮娥戲月中 又聞
怨詩曰寂寂青樓入道邊紛紛白雪綺窗前池上鴛鴦不獨自帳中蘇合
空然屏風有意障明月燈火無情照獨眠遠西水凍春應少剌北鴻來路
幾千願君關山及早度念妾桃李片時妍 又詩曰蜘蛛作絲滿帳中芳
草結葉當行路紅臉脉脉一生啼黃鳥飛飛有時度故人雖故昔經新
人雖新復應故賦梁元帝蕩婦秋思賦曰蕩子之別十年倡婦之居自
憐登樓一望唯見遠樹含烟平原如此不知道路幾千天與水兮相通山
與雲兮共色山則蒼蒼入漢水則滄滄不測誰復堪見鳥飛悲鳴雙翼秋
何月而不清月何秋而不明况乃倡樓蕩婦對此傷情於時露委庭蕙
封階砌坐視帶長轉看腰細重以秋水文波秋雲似羅日黯黯而將暮風
騷騷而渡河妾怨迴文之錦君思出塞之歌相思相望路遠如何

而漸亂心懷愁而轉歎愁翠眉斂啼多紅粉漫已矣哉秋風起兮秋葉
飛春花落兮春日曛春日遲遲猶可至客子行行終不歸 梁江淹倡婦
自悲賦曰日自趙東來舞漢宮瑤席金陳桂枝嬌春素壁翠樓明月徒秋
歌舞忽散倡人復愁君王更衣露色未晞侍青鑿以雲徒夾丹輦以霞飛
顧南山之無隙指壽陵以同歸俄而綠衣坐奮白華臥進肩骨不憐抵金
誰恹九重以閉高門自無青苔積子銀閣溢網羅生兮玉梯虛度九冬而
廓處經十秋而分居傷營魄之已盡畏松柏之無餘去栢梁以掩袂出桂
柱而斂眉槐朱殿以再暮無頭華而一疑 周庾信蕩子賦曰蕩子辛苦
逐征行直守長城千里城隴水恆冰合關山唯明月况復空牀起怨倡婦
生離紗總獨掩羅帳長垂新箏不弄長笛羞吹常年桂苑昔日蘭閨羅敷
愁髮弄玉初笄新歌子夜舊舞前溪別後閑情無復情離前明鏡不須明
合歡無信寄迴紋織未成遊塵滿牀不用拂細草橫階隨意生前日漢使
著章臺聞道夫婿定應迴手中還欲煇愁眉即刺開逆想行人至迎前合
笑來(丑旦)後漢秦嘉與妻書曰不能養志當給郡使隨俗順時備使當去

知所苦故爾未有瘳猶想念悒悒勞心無已當涉遠路趨走風塵非志所
慕慘慘少樂又計往還將彌時節念發同怨意有遲遲欲暫相見有所屬
託今遣車往想必自力 奉嘉妻徐淑答書曰知屈珪璋應奉藏使策名
王府觀國之光雖失高素皓然之業亦是仲尼執鞭之操也自初承問心
願東還迫疾惟宜抱歉而已日月已盡行有伴例想嚴莊已辨發遣在近
誰謂宋遠企予望之室爾人遐我勞如何深谷逶迤而君是涉高山巖巖
而君是越斯亦難矣長路悠悠而君是踐冰霜慘烈而君是復身非形影
何得動而輒俱體非比目何得同而不離於是詠萱草之喻以消兩家之
息割今者之恨以待將來之歡今適樂土優遊京邑觀王都之壯麗察天
下之珍妙得无目玩意移往而不能出耶 嘉重報妻書曰車還空反甚
失所望兼叙遠別恨恨之情頗有悵然間得此鏡既明且好形觀文彩世
所希有意甚愛之故以相與併寶釵一雙好香四種素琴一張常所自彈
也明鏡可以鑿形寶釵可以耀首芳香可以馥身素琴可以娛耳 妻又
報嘉書曰既惠音令兼賜諸物厚顧殷勤出於非望鏡有文彩之麗釵有

珠異之觀芳香既珍素琴益好惠異物於鄙陋割所珍以相賜非豈思之
厚孰肯若斯覽鏡執釵情想髮髻操琴詠詩思心成結勅以芳香馥身喻
以明鏡鑿形此言過矣未獲我心也昔詩人有飛蓬之感班婕妤有誰樂
之歎素琴之作世以君歸明鏡之鑿當待君還未奉光儀則寶釵不列也
未侍帷帳則芳香不發也 梁何遜為衛山侯與婦書曰昔人遊遊洛汭
會遇陽臺神山鬢髮有如今別離帳前微笑涉想猶存而慳衰餘香從風
且歇掩屏為疾引領成勞鏡想分鸞琴悲別鶴心如膏火獨夜自煎思等
流波終朝不息始知華蓋疊草忘憂之言不實團團輕扇合歡之用為虛
路邇人遐音塵寂絕一日三秋不足為喻聊陳往翰寧寫款懷遲枉瓊瑤
慰其杼軸 周庾信為上黃侯世子與婦書曰昔仙人道引尚刻三秋神
女將梳猶期九日未有龍飛剏匣鶴別琴臺莫不銜怨而心悲聞猿而下
淚人非新市何處尋家別異邯鄲那應知路想鏡中看影當不舍啼欄外
將花居然俱笑分杯帳裏却扇牀前故是不思何時能憶當學海神逐潮
風而來往勿如織女待填河而相見 陳伏知道為王寬與婦義安主書

曰昔魚負逢車之田息駕雖見妖婦終成揮忽遂使家勝陽臺為歡非夢
人歎蕭史相偶成仙輕扇初開欣看笑靨長眉始盡愁對離粧猶聞徒洞
顧長和之未盡尚分行憶鼻迫陌之難迴廣攝金屏莫令愁擁怕開錦幃
速望人錦鏡臺新去應餘落粉燻爐未徙定有餘煙淡滴芳衾錦花長偏
愁隨玉軫琴鶴怕驚已覺錦水丹鱗素書稀遠玉山青鳥仙使難通絲筆
試操香牋遂滿行雲可託夢想還勞九重千日詎想倡家單枕一宵便如
蕩子當令照影雙來一鸞羞鏡勿使 愁獨坐嫦娥笑入

藝文類聚卷之三十三

藝文類聚卷之三十三

入部十七 寵幸 遊俠 報息 報讐言 盟

寵幸

左傳曰申侯有寵於楚文王文王將死與之璧使行曰唯我知汝汝專利
而不厭我死汝必速行無道小國將不容汝焉既葬出奔鄭又寵於厲公
又曰公子佗有白馬四宋公娶向魼魼欲之公取而朱其尾鬣以與之佗
怒使其從奪之魼懼將走公閉門而泣之目盡腫 韓子曰彌子瑕有寵
於衛國衛國法矯駕君車罪則子瑕之母病其人有夜告彌子彌子矯駕
君車以出君聞而賢之曰孝哉為母之故犯刑罪異日與君遊於果園食
桃而甘以其餘獻君君曰愛我忘其口啖寡人 戰國策曰楚王遊雲夢
結駟千乘旌旗蔽日野火之起若雲蜿兕虎之嘑若雷霆有狂兕依輪而
王親扞弓而射之一發而殪王仰天而笑曰樂矣今日之遊也寡人萬歲
千秋之後誰與同樂此矣安陵君纏篋數行而進曰臣入則侍席出則陪
乘大王萬歲千秋之後臣願以身抵黃泉驅螻蟻又何得此樂而樂之大

王悅而封纏為安陵君 又曰魏王與龍陽君共舫而釣龍陽君涕下王曰何為泣曰為臣之所得魚也王曰何謂也對曰臣之所得魚也臣其喜後得又益大臣欲棄前所得魚矣今以臣之凶惡而得為王拂枕席令四海之內美人亦甚多矣聞臣之得妾於王也必褰裳趨王臣亦曩之所得魚也亦將棄矣臣安能無涕出乎魏王於是布令於四境之內曰敢言美人者滅族 漢書曰漢興佞幸寵臣高祖時則有籍孺孝惠時則有中人非有材能但以婉媚貴幸與上臥起公卿皆因門說故孝惠時即侍中皆冠鳩鷄具帶傅脂粉皆閑藉之屬也 又曰鄧通為黃頭郎文帝夢上天不能有一黃頭郎推助之及顧其衣裳後穿寒覺而之慚臺以夢中陰自求推者見鄧通其衣後穿夢中所見也召問甚悅通鼻之通亦願謹不與外交雖賜洗沐不欲出於是文帝賞賜通鉅萬以十數賜通蜀犍道銅山得自鑄錢 又曰韓嫣武帝為膠水王時與上學相愛及上為太子愈益親焉善騎射聰慧上即位欲事伐胡而嫣先習兵以故益尊貴賞賜益郵通常與上共卧起 又曰李延平歌為變聲是時欲造樂令司馬相如

等作詩延年歌承意弦歌所造詩為之謠曲由是為協律都尉佩二千石印綬而上與之臥起其愛幸特韓嫣同 又曰今日礮子賞建二人皆愛幸為武帝弄兒常在旁昭帝時日礮兩子俱侍中與昭帝略同年共臥起賞為奉車都尉建為駙馬都尉 又曰張放鴻嘉中宣帝欲遵武帝故事與近臣遊宴教以公主子曰數得幸取皇后弟平恩侯許嘉女上為放儀帳賜甲第充以乘輿服飾號為天子取婦皇后嫁女兩宮使者冠蓋不絕賞賜以千萬故以上臥起寵愛殊絕 又曰董賢為郎傅滎正駿下賢為人美麗哀帝望見悅其儀貌識而問之曰是舍人董賢耶因引上與語拜為黃門郎由是始幸賢寵愛日甚為駙馬都尉侍中出則乘入御左右旬月間賞賜累鉅萬常與上臥起晝寢偏藉上衣袖上欲起賢未覺不欲動賢乃斷袖而起其愛恩至此 魏志曰孔桂性便妍曉博奕踰鞠太祖愛之每在左右出入隨從桂察太祖意歡樂因言吹曲有所陳事多見從數得賞賜又多饋遺桂由此候服王食太祖既愛桂五官將及諸侯亦皆視之 又曹毗曹肇傳曰肇慕明帝寵愛之寢止恒同當與帝共脂衣物

有不獲報入御帳服之徑出其見謂靈類此也 俗說曰桓公寵丁期朝賢論事眉客聚集而在背後坐食畢便迴盤與之期雖被竊而謹約不敢為非玄臨死之日期乃以身捍刃詩魏阮籍詩曰昔日繁華子安陵與龍陽夫夫桃李華灼灼有輝光悅澤若九春盛折似秋霜流所發姿媚言笑吐芬芳攜手等歡愛宿昔共衾裳 晉張翰周小史詩曰翩翩周生婉姿幼童年十有五如日在東香膚柔澤素質參紅團輔圓頰齒善笑爾形既淑爾服亦鮮輕車隨風飛霧流烟轉側綺靡顧眄便妍如顏善笑美口善言 梁吳筠詠少年詩曰董生唯巧笑子都信美目百萬市一言千金買相逐不道參差來誰論窈窕成願君捧繡被來就越人宿 梁劉遵繁華詩曰可憐周小童微矢摘蘭蕤鮮膚勝粉白勝臉若桃紅挾彈雕陵下乘鈞連葉東晚動飄香鬢衣輕衫好風華承拂拭適得奉素室中本知傷輕薄含辭羞自通前袖思雖重殘桃愛不終娥眉詎誰嫉新姬近入宮論梁沈約宋書恩幸傳序論曰夫人君南面九重奧絕階承朝夕義備卿士階闈之任宜有司存既而恩以狎生信有目得無可憚之姿有易

親之色孝建泰始主威獨運空置百司權不外假而刑政糾雜理難備耳目所寄事歸於晉賞罰之要是謂國權出內王命由其掌握於是方塗結執輻輳同奔人主謂其身卑位薄以為權不得重曾不見鼠憑社責狐藉虎威外無區主之嫌內有專用之功勢傾天下未之或悟挾朋樹黨政以賄成缺鑛創痍構於牀第服冕乘軒出乎言笑之下西京許史蓋不足云晉朝王石未或能及大宗晚運屢經盛衰權倖之徒惛惛宗戚欲使幼主孤立求竊國權溝溝造異同與樹禍障帝弟宗王相繼屠戮民忘朱德雖非一塗寶祚夙傾實由於此嗚呼哀哉

游俠

列子曰虞氏者梁之富民也家既充盛錢金無量財貨無貲登高樓臨大路設樂陳酒擊博樓上俠客相隨而行樓上傳者大笑為飛適墜其腐鼠而中之俠客曰虞氏福樂之日久矣常有輕易人之志乃辱我以腐鼠擊徒屬而滅其家 史記曰穽成抵罪得脫乃許刻傳出關歸家稱曰仕不至二千石賈不至千萬安可此人乎乃貴貨買陂田千餘頃後使數千家

數年產至千金為任俠其役民重於郡守 淮南子曰比楚有任俠者其子孫數止之不聽縣有賊大搜其廬事果發覺夜驚而走追及之其所施德者皆為之戰得免及謂其子曰汝數止吾俠今有難皆賴而身免汝誠不可用也 戰國策曰韓偃嚴遂事於君二人相害嚴遂正議直指舉韓偃之過彼劔趨之嚴遂懼誅亡去求人可以報韓偃者至齊陰交聶政以意厚之政母死既塋除服曰嗟乎政乃市井之人鼓刀之屠而嚴仲子不遠千里枉車騎而交臣舉金為親壽是深知政也至濮陽見嚴仲子曰前所以不許子者徒以親在今親已亡仲子所欲報者為誰嚴仲子具告曰臣之仇韓偃政遂獨行仗劔至韓直入刺偃偃走而抱哀侯政刺之兼中哀侯左右大亂 漢書曰戰國合縱連衡力攻爭疆繇是列國公子魏有信陵趙有平原齊有孟嘗楚有春申皆藉王公之勢競為游俠鷄鳴狗吠無不賓禮而談者以四豪而稱首 又曰季布為任俠有名項籍使將兵數窘漢王項籍滅高祖購求布千金敢匿罪三族布匿濮陽周氏乃髡髮布衣褐置廣柳車中并與其家僮數十人之魯朱家所賣之朱家心知其

主翁 晉祕紹贈石季倫詩曰人生稟五常中和為至德嗜欲雖不同成生所不識仁者安其身不為外物惑事故誠多端未若酒之賦內以損性命煩辭傷軀則屢飲致疲怠清和自否塞陽堅敗楚軍長夜傾宗國詩著明戒量體節飲食遠希彭聃壽虛心處冲然茹芝味醴泉何為昏酒色賦魏文帝戒盜賦序曰晬暑東閣延賓高會酒酣樂作悵然懷盈滿之戒乃作斯賦惟應龍之將舉飛雲降而下征寶物類之相感信貫徹之通靈何今日之延賓君子紛其集庭信臨高而增懼獨處滿而懷愁願群士之箴規博納我以良謀 吳楊泉贊善賦曰伊善惡之所施乃禍福之為階行德安而保身忘為害而自危故先民之有作執溫恭而不虧云類再之遭命怪禍福之參老夫二賢之獲道歷千載而見知身既沒而名存厥獲戚乎何為夫死生之有命非神明之所規故積善之家厥福惟昌積惡之門必有餘殃是以趙武好善厥胤以長三却好勝厥身以亡古人從善如不及去惡如探湯何福德而難值而禍惡之易當茲貞晉戴逵中二復贊曰嗜好深則天機淺名利集則純白離如此故識鑒逾昏驕淫彌太心

與慎華則理與險會然後役志以御險履險以逃害故陰陽寇其內人力
攻其外陰陽結則金石爲之消人事至則雖智不足賴若然者雖翠幄華
堂焉得而康之列鼎重味焉得而嘗之 周庚信周公伯禽者曰伯禽居
魯鳴玉來朝周公問政治國風謠北山有梓南山有橋禮容雖備俯仰無
驕箴梁武帝凡百箴曰凡百衆庶爾其聽之事無大小先當熟思思之
不熟致成反覆其心不定不可施令是曰亂常是曰敗政弗止奪身亦喪
厥命勿恃爾尊驕慢淫昏勿謂爾貴長夜荒醉日不恆中月盈則虧覆邪
念正居安思危莫言爾賤而不愛命君子小人本無定性莫言人微而以
自輕水清照淨表直影端近取諸身無假遠觀猗欤哲人勿謂斯難訓
晉潘岳兩階銅人訓曰言之有減託平多士言之不減絕之由已無曰莫
傳宣于四海無曰莫聞響振萬里樞機之發榮辱之徵怨豈在大纖介是
興誠漢東方朔諫子曰明者處世莫尚於中優哉游哉與道相從首陽
爲拙柳惠爲工飽食安步以仕代農依隱玩世詭時不逢是故才盡者身
危好名者得華有群者累生孤貴者失和遺餘者不匱自盡者無多聖人

之道一龍一蛇形見神藏與地變化隨時之宜無有常家 後漢鄭玄
子曰宿業襄落仍有失誤年入此歲而七十矣於禮可傳家事今我告爾
以老將閑居以安性單思以終業非拜國君之命問族親憂慮展敬墳墓
春秋觀省野物明常扶杖出門乎家事大小汝一承之求爲君子之道備
研勿替敬順威儀以近有德顯譽成於俸交德行立於已志可不深念耶
後漢高義方清誠曰天長而地久人生而不然又不養以福祿全其壽年
飲酒病我性思慮害我神美色伐我命利慾亂我真神明無聊賴愁毒於
衆煩中平棄我則忽若風過山形氣各分離一往不復還上士懲其痛坑
志凌雲烟條蕩塵穢累飄邈任自然退脩清以淨存吾玄中玄澄心剪慮
慮泰清不受塵垢惚中有物希微無形端智慮赫赫盡各神綿綿存 魏
王肅家誡曰夫酒所以行禮養性命歡樂也過則爲患不可不慎是故賓
主百拜終日飲酒而不得解先王所以備酒禍也凡爲主人飲客使有酒
色而已無使至醉若爲人所強必退席長跪稱父誡以辭之敬仲辭君而
況於人乎爲客又不得唱造酒史也若爲人所屬下坐行酒隨其多少犯

令行罰示有酒而已無使多也禍變之興常於此作所宜深慎 魏王昶
家誠曰失立功者有二難功就而身不退一難也退而不靜務伐其功二
難也且懷祿之士耽寵之臣苟患失之何所不至若樂毅帥弱燕之眾東
破強齊拔七十餘城其功盛矣知難而退保身全名張良杖劍建策光濟
大漢辭三萬戶封學養性之道棄人間之事卒無咎悔何二賢綽綽有餘
裕哉治家亦有患焉積而不能散則有鄙吝之累積而好奢則離橋上之
罪大者破家小者辱身此二患也 魏荀爽女誠曰詩云泉源在左淇水
在右女子有行遠父母兄弟明當許嫁配適君子竭節從理皆定晨省夜
臥早起和顏悅色事如依恃正身潔行稱爲順婦以崇彝斯百葉之祉婚
姻九族云胡不喜聖人制禮以隔陰陽七歲之男五母不抱七歲之六王
父不持親非父母不與同車親非兄弟不與同筵非禮不動非義不行是
故宋伯姬遭火不下堂知必爲災傅母不來遂成爲及春秋書之以爲高
也 魏程曉女典篇曰丈夫百行以功補過婦人四教以備爲成婦德則
則仁義廢矣婦言虧則辭令慢矣婦工簡則織紉荒矣是以禮有功官

金鞍被控條細塵障路起驚花亂眼飄酒醺人半醉汗濕馬金鞍結髮長
日晚爭路上河橋 陳沈炯長安少年詩曰長安好少年驄馬鐵連錢陳
玉裝腦勒臂后鑄金鞭步搖如飛鷲臂劍似舒蓮去來新市側遊遊大道
邊 陳陰鏗西遊咸陽中詩曰上林春色滿咸陽遊俠多城斗疑連漢橋
星象跨河影重看飛轂塵前聽遠珂還家何意晚無慮不經過 陳揚縉
俠客控絕影詩曰青門小苑物華新花開鳥弄會身春仙掌層臺得麗日
長揪廣路起紅塵園中追尋蕊李徑陌上逢迎遊俠人遊俠英名馳上國
人馬意氣俱相得曰馬塵盧秋水翎青絲宛轉黃金勒復有魚目並龍文
躡影追風本絕群影入吳門疑曳練形來西北似浮雲寄語幽并馳射客
未肯推名侍借君

報恩

毛詩曰投我以木瓜報之以瓊琚匪報也求以爲好也 又曰無言不酬
無德不報 左傳曰晉魏顆敗秦師于輔氏獲杜回秦之力人也初魏武
子有嬖妾無子武子疾命顆曰必嫁是妾疾病曰必以爲殉及卒顆嫁之

曰疾病則亂從其治也及韓氏之役穎見老人結草以亢杜回躡而顛故
獲之夜夢老人曰所嫁婦人之父也爾用先人之治命予是以報 晏子
曰晏子以粟金遺北郭騶駘辭金受粟有聞晏子見疑於景公出奔北郭
子曰養及親者身更其難遂造公廷曰晏子天下之賢去齊齊國必慢不
若先死乃自殺公自追晏子及郊而反之 呂氏春秋曰秦穆公失右服
馮公自往求焉見野人方食之於岐山之陽穆公笑曰食駿馬肉不飲酒
予恐傷汝也遂徧飲而去及一年為韓原之戰晉人已環穆公之車晉眾
由靡已扣穆公左驂嘗食馬肉三百餘人疾聞車下逐天射晉又獲晉惠
公以歸 又曰簡子有兩白驪甚愛之陽城胥渠處名處簡子也廣門之
官夜疑門而謁曰主君之臣胥渠有疾醫教之曰得白驪之肝則止不得
則死請入通董安虧御於側簡子殺白驪取其肝以予陽城胥渠無何趙
與兵而攻翟廣門之官七百人皆先登 戰國策曰中山君饗都大夫司
馬子期在焉羊羹不徧子期怒而走於楚以伐中山君中山君亡走有人
擊之隨其後者顧謂一人子奚為對曰臣父嘗餓且死君下堂食饋臣父

中山君有事必死之故來死君也中山君慨然曰吾以一杯
羊羹亡國以一壺酒得三人 史記曰晏益為吳相時有從吏嘗盜羊羹
侍兒盜知之不地過之如初人有告從吏言君知爾與侍者通乃亡歸益
驅自追遂以侍者賜之復為從吏及晏益使吳見守從吏適為校司馬守
益夜引晏益起曰君可以去矣吳王期旦日斬君益謝之而去 又曰頃
王使說韓信韓信謝曰臣事項王官不過郎中位不過執戟故皆楚而歸
漢漢王授我上將軍印解衣衣我推食食我言聽計用夫人深親信我我
倍之不祥雖死不易 說苑曰楚莊王賜群臣酒日暮燈燭滅有人引美
人衣美人援絕其冠纓告王曰有引妾衣者妾絕其纓取持火來視絕纓
者王曰今日飲不絕纓者不歡君臣百官皆絕冠纓乃絕火居二年晉與
楚戰有一人常在前五合五獲首怪而問之對曰臣乃夜絕纓者也王臨
忍不曝而誅常願肝脰塗地用頸血滿敵久矣遂平晉君 漢書曰張蒼
秦時為御史有罪亡歸及沛公略地過陽武蒼以客從攻南陽蒼當新解
衣伏質身大肥白如瓠王陵乃言沛公赦勿斬以為常山相蒼德王陵及

貴父事陵死蒼為丞相洗浴常光朝陵夫人上食然後敢歸家 又曰
蓋寬饒為衛司馬躬案行士卒廬室視其飲食居處有疾病者身自撫循
臨問加致醫藥遇之甚恩及歲終交代衛卒數千人皆叩頭自請願復更
留一年以報寬饒厚德宣帝嘉之以寬饒為太中大夫 吳越春秋曰伍
子胥伐楚還過溧陽瀨水之上長歎息曰吾常飢於此乞食而殺一婦人
將欲報之百金不知其家遂投金瀨水之中而去 三輔決錄曰高陵龐
勳為郡小吏東平衡農為書生窮之容鍛於勳家勳知其賢禮待酬直過
常農曰為馮翊乃相報別七八年累為馮翊勳為門下書佐忘之矣農召
問乃悟遂舉勳 魏略曰楊沛為新鄭長課民蓄桑葢營豆積浸得千餘
斛太祖西迎天子軍無糧沛乃進乾棧後為新令賜其生口十六人絹五
百足以報乾棧也 魏志曰太祖平幽州召孫禮司空軍謀掾初荒亂禮
禮與母相失同郡馮台求得禮母禮推家財盡以為台 華陽國志曰曹
公擊關羽不安張遼以情問之羽歎曰吾極知曹公待我厚然吾受劉將軍
軍恩誓以共死不可止背之要當立効報公公聞而義之願良攻東郡太守

於白馬公使遊乘為光錕羽望見良慙策馬於萬眾中新其首蓋
其物相尋而歸光王 齊謝朓酬德賦曰右衛沈侯眷予以國
士四年悉役朱方見贈以詩詩不云乎無言不酬無德不報故稱之酬德
賦云悲夫四游之代序六龍駕而不負輕蓋靡於駿奔玉衡勞於撫翼嗒
歲晏之勤歡曾愆然以懷惻念民生之知用知莫深於在已彼知己之為
深信懷之其何已君奉筆於帝儲我曳裾於皇穆藉風雲之光景申遊好
於蘭菊結德音而為佩帶芳猷而為服予窘跡以多悔媿離厄而獨處君
紆組於名邦貽話言於川渚爾要戰於戎禁我拂劍於郎闈願同車以日
夜誠望膏而掩扉時遊般以未極眷落景之徂暉苦清顏之倏忽悵歡賞
之多違 漢谷永謝王鳳書曰求斗筭之材質薄學朽將軍悅其狂言
擢之皂衣之吏廁之賓朋之末不聽漫潤之譖不食膚受之愬雖齊桓晉
文用士篤密察父哲兄覆育子弟誠無以加昔豫子吞炭壞形以奉見異
齊客捐首公門以報恩於智氏子豈嘗猶有死士何況將軍之門

報讐

禮記曰父母之讐不與其戴天兄弟之讐不反其交遊之讐不同國又
曰君父母之讐寢言枕由不仕不與共國遇諸市不反兵而闘左傳曰
齊高發伐莒莒子奔紀鄆初莒有婦人莒子殺其夫已為齋志託於紀鄆
紡焉以度而去之及師至則投諸外齊師夜緹而登莒共公躍啓西門而
齊師入紀又曰吳伐越越王勾踐御之陳干攜李闔廬傷將指還卒於
陘夫差使人立於庭出入必謂曰夫差而忘越王之殺而父乎則曰唯不
敢忘三年乃報越越絕書曰子胥入吳闔廬將為之報讐其後荆將軍
伐蔡使子胥伐荆十五戰十五勝子胥操捷管平王之墓而數之曰吾先
人無罪而子殺之今以此報子戰國策曰豫讓欲為智伯報讐趙襄子
當出豫讓伏劍橋下襄子至橋馬驚曰必是讓也求之果是數之曰子不
事范中行氏乎智伯盡滅之子不為報讐又臣於智伯智伯亦已死何報
讐深也答曰范中行眾人遇我我以眾人報之智伯國士遇我我以國士
報之襄子曰為智伯名既成寡人赦子亦已答曰君前赦臣天下莫不稱
君之賢臣固伏誅然願請君之衣而擊之以致執讐之意乃使使持衣與

史記曰燕昭
王聞魏齊在平原君所欲為雖報仇乃為書遺平原君曰願與君為布衣
之交十日之飲平原君見昭王昭王與平原君飲數日謂曰范君之仇在
君家願使人婦取頭乘平原君曰不在臣所昭王乃令趙王發卒圍平原
君家齊魏夜亡東觀漢記曰海曲有呂母其子為縣吏犯小罪縣宰殺
之呂母家素富豐贖產乃益釀醇酒少年來沽者貫之視其乏者輒假衣
裝少年欲相與償之呂母垂泣曰縣宰枉殺吾子欲報怨爾諸君爭肯哀
之乎少年許諾遂相聚得數百人因與呂母入海自稱將軍遂破海曲執
縣宰斬之以其首祭于冢又曰鄧惲與董子張友子張父為鄉人所害
及子張病將終惲候子張視惲歔歔不能言惲曰吾知子不悲天命而痛
雙不復也惲即將容遮仇人取其頭以示子張子張見而氣絕又曰趙
喜少有節操從兄為人所殺無子喜常思欲報之遂往復仇而仇家皆疾
病喜以因疾報殺非仁者心且釋之而去顧謂仇曰爾曹若健遠相避後
病愈悉自縛詣喜上不與相見後竟殺之吳書曰甘寧殺陵統父孫權

命不得讐之堂與呂蒙舍酒酣統乃以刀舞寧起曰寧能雙戟舞蒙曰未
若蒙之巧也因操刀楮以身分之 列女傳曰緱氏女玉為父報仇吏執
玉以告外黃令梁配欲論殺玉申徒蟠時年十五進諫曰玉之節義足以
感無耻之孫激忍辱之子不遭明時尚當表旌廬墓况在清聽而不加哀
矜配善其言乃為減死論 又曰龐涓母者趙氏女字娥父為同縣人所
殺而娥兄弟三人俱時病物故離乃喜以為莫已報娥乃潛備刀兵以候
讐家十餘年後遇於都亭刺殺之因請縣自首曰父仇已報請就刑 又
曰衛義姬者其夫有先人之讐上家來報登避之仇家得義姬問登所在
乃積薪燎之遂不言而燒死 又曰頴川公孫氏女河年十三怨家報其
父上走得免河與母俱亡母先見得仇人事欲甘心河馳出叩頭涕泣曰
老母常有篤疾安足殘戮以塞忿哉我是其兒父母所憐不如殺我仇家
殺之而捨其母 又京師節女者本夫有仇上家欲報其夫乃劫其妻交
使妻其女中間父呼其女而告之計女念不聽之則殺父不孝聽之則殺
夫不義故以身當之曰諾因曰夜在樓上新沐頭東首臥則是矣仇家來

要斷其頭持去明而視之乃其妻之頭也仇以為義遂釋其夫 會稽
錄曰晉書曰桓溫父被害時溫年十五枕戈泣血經年乃提刀直進手刃
子熒黠母肥常苦之黠不報及母終負土成墳竟殺不孝子置塚前以祭
晉中興書曰桓溫父被害時溫年十五枕戈泣血經年乃提刀直進手刃
仇人(詔)魏文帝詔曰喪亂以來其革縱橫天下之人多相殘害者昔田
橫殺鄴商之兄張步嘗伏湛之子漢氏二祖下詔使不得相讐今兵戎始
息宇內初定民之存者非流亡之孤則鋒刃之餘當相親愛養老長幼自
今以後宿有仇怨者皆不得相讐(教)梁簡文帝甄異張景願復讐教曰
夫理感禽魚道均荆棘亦有鄉因行改江以孝移張景願自縛到郡稱其
父為韋法所殺今於公田渚斬法級祭墓訖束身歸家昔沂澤撫劍河南
執戟遠符古義實足可嘉防廣刃讐赦其桎梏之罪丁蘭雪耻擢以大夫
之位

盟

周官曰九邦國有疑會同則掌其盟約之載盟萬民之犯命者詛其不信

者有獄者則使之盟詛凡盟詛各以其地域之衆庶供其牲而致焉尚
書曰惟十三年大會于孟津正曰嗟我及邦家若越我御事庶士明德誓
今商王受弗敬上天降災下民沈商冒色敢行暴虐罪人以族官人以世
惟宮室臺榭陂池侈服以殘害于爾萬方百姓皇天震怒命我文考肅將
大威大勳未集肆予小子發以爾及邦豕君觀政于商同力度德同德度
義受有臣億萬惟億萬心予有臣三千惟一心商罪晉盈天命誅之予弗
順天厥罪惟鈞爾尚弼予一人永清四海 又曰時厥明王乃大巡六師
明誓衆士王曰嗚呼我西土君子商王受狎侮五常荒怠不敬自絕于天
結怨于民斯朝涉之脛剖貧人之心作威殺戮毒痛四海崇信姦回放黜
師保屏棄典刑囚奴正士郊社不修宗廟不享作奇技淫巧以悅婦人爾
其致上奉予一人恭行天罰 左傳曰晉侯獻楚俘于王上子虎盟諸侯
于王庭要言曰皆獎王室無相害也有渝此盟明神殛之俾墜其師無克
祚國及而玄孫無有老幼君子謂是盟也信 又曰甯武子與衛人盟于
宛濮曰天禍衛國君臣不協今天誘其衷使皆降心以相從也不有君者

誰也社稷不有行者誰扞救圍不協之故用昭乞盟乎尔大神自今日以
往行者無保其力居者無懼其罪有渝此盟明神先君是糾是殛國入聞
此盟而後不貳 又曰楚子圍鄭上伯肉袒牽羊以逆楚王曰其君能下
入必能信用其民矣退三十里而許鄭入平潁虺入盟于良出質 又曰
楚師圍宋宋人懼使華元夜入楚師登手反之牀起之曰寡君使元以病
告曰弊邑易子而食折骸而爨雖然城下之盟有以國整不能從也去我
三十里唯命是聽手反懼與之盟而告王退三十里 又曰諸侯伐鄭同
盟于亳載書曰凡我同盟無蘊年無專利無保姦無留隱救災患恤禍亂
同好惡獎王室或簡茲命司慎司盟名山名川群神群祀先王先公七姓
十二國之祖明神殛之俾失其民墜命亡氏踣其國家 史記曰吳起東
遊出衛郭門與其母別鬻指而盟曰起不爲卿相不復入衛 漢書曰高
后立諸呂爲王王陵曰高皇帝刑白馬而盟非劉氏而王者天下共擊之
今王呂氏非約也 淮南子曰胡氏彈骨肅人之盟始置也越人割脣肅中飲以用盟也 晉中興書曰中宗以祖逖爲前鋒都
中國埤盟所由各異其於信一也

督徑北渡江中流誓曰祖述不清中原而復濟者有如此江 又曰吳主
孫權與蜀盟文曰天降喪亂皇綱失敘逆臣承襲劫奪國柄始於董卓終
於曹操九州輻裂晉天無繼及曹子丕偷取天位而 么麼尋亦凶逆昔
共工亂蒙而高辛行師三苗千度而虞舜征焉今日滅敵擒其徒黨非漢
與吳將復誰在建六事必先明誓漢之與吳雖信由中然分士列境宜立
盟約使東西士民咸共聞知既盟之後戮力一心同討魏賊救危恤患分
災共慶各守分土無相侵犯傳之後葉克終若始有渝此盟創禍先亂律
墜其師無克祚國文晉劉琨與段匹磾盟文曰天不壽晉難集上邦四
方豪傑是焉扇動乃憑陵于諸夏俾天子播越震蕩罔有攸成二虜交侵
區夏將泯神人之主蒼生無歸百罹備臻死喪相抗肌膚潤於鋒鏑骸骨
曝於草莽千里無烟火之廬列城有兵曠之邑茲所以痛心疾首諸望
穹者也臣珉蒙國寵靈叨切台岳臣碑世効忠節忝荷公輔大懼醜類諸
夏王旅殞首喪元盡其臣禮古先哲王貽厥後訓所以翼戴天子敦序諸
好者莫不臨之以神明結之盟誓故 允桓會於邵陵而群后加恭晉文

於路士而請侯茲順加臣等介在遐鄙而與主相去迥遠是以敢率先諸
刑牲歃血自今日既盟之後皆盡忠竭節以翦夷一寇有諸難於諸碑必
拔加難於碑琨亦如之諸縹緲誓契披布曾懷書功金石藏于王府有渝此
盟亡其宗族俾墜軍旅無其遺育 晉庾闡為車騎討蘇峻盟文曰賊
臣祖約蘇峻不恭天命不畏王誅凶戾肆逆干國之紀輔其攻宮焚梓宗
廟遂乃制脅幼主有無君之心大行皇太后以憂死崩姐殘害忠良禍虐
蒸民窮凶極暴毒流四海是以率士怨酷兆庶泣血咸願奉辭罰罪以除
元惡今主上幽危百姓倒懸忠臣烈士志在死國既盟之後戮力一心共
剪醜類殞首喪元以救社稷若二寇不梟無望偷安當令生者不食今誓
死者無媿黃泉 晉王羲之為會稽內史稱疾去郡於父墓前自誓文曰
羲之不天夙遭閔凶遂因人之義國龍榮每仰詠老氏周任之誠當恐斯
亡無日是用寤寐求歎若墜深谷止足之分定於今日稽顙歸誠自今之
後敢渝變此心貪冒苟進是有無尊之心而不子也子而不子天地所不
覆載也名教所不得容也信誓之誠有如皎日 陳沈炯為陳武帝與王

情辨盟文曰侯景戎揚小醜逆天無狀背我恩義破我國家毒我生民殘
殺我廟社誅鋤我郡縣割裂我宗姻我高祖靈聖聰明光宅天下劬勞
庶享有萬民哀景以窮見歸全景將戮之自後景要害之地崇景非次之
榮於景何然而景長戟疆宇陵感刺庭割肝斷趾不厭其快高祖菜食卑
官春秋九十履意疑威積終寇手大行曰帝溫嚴恭然不守鴻名於景何
有復加忍毒豈有罕士之憤忍聞此痛憤等何相國湘東王泣血銜冤
之寄摩頂至踵之恩能不歷膽抽腸共誅孽逆叶和將帥同心共契必誅
凶豎尊奉湘東王嗣膺鴻業以主郊祭若一相欺負一相違戾天地宗廟
是誠是詰

卷之三十三

類聚卷之三十四

人部十八 懷舊 哀傷

懷舊

尚書人惟求舊器非求舊惟新 毛詩曰友賢不棄不遺故舊則民德歸

厚 左傳曰鄭子太叔卒趙簡子為之臨甚哀曰黃父之會夫子語我九

言事具言 論語曰故舊不遺則民不偷 漢書曰高祖過沛置酒沛宮悉

召故人父老酒酣自擊筇起舞慷慨傷懷泣數行下謂沛父兄曰游子悲

故鄉吾雖都關中萬歲之後我魂魄猶思樂沛與父老諸母故鄉人樂飲

極歡道舊故為笑樂 又曰朱邑傳篤於故舊性公平不可交私 新序

曰延陵季子使過徐徐君心欲得其寶劍弗忍言季子心許之而未及與

及還而徐君已薨乃脫寶劍懸於墓樹徐人奇之曰延陵季子不忘舊故

脫千金之劍挂立樹 東觀漢記曰章帝幸東平祭東平王墓云思其人

到其鄉其處在其人亡 皇甫謐高士傳曰徐稚仁讓聞於天下黃瓊辭

公府不詣及瓊薨稚負笈徒步三千餘里到瓊墓致辭 嵇康高士傳曰

商容有疾老子問之容曰子過故鄉而下車知之乎老子曰非謂不忘故
耶(詩)梁沈約懷舊詩曰元長秉奇調弱冠暮前蹤眷言懷祖武一簣望
成峯塗難行易跌命奸志難逢折風落迅羽流恨滿青松(詩)又詩曰吏
部信才傑文鋒振音響調與金石諧思逐風雲上豈言凌霜質忍隨人事
往尺璧爾何寬一旦同丘壤(詩)又詩曰左率復時譽秀出冠朋僚登茲
千仞氣依此百尋條蘊藉含文雅散朗溢風颺欬擗今已合容範尚昭昭
傷更又詩曰長史體閑任坦蕩無外求持身非詭遇應物有虛丹心從朋
好盡形爲歡宴留歡宴未終畢零落委丘山(詩)又詩曰東南旣擅美洛
陽復稱才攜手同歡宴比跡共追陪事隨短秀落言歸長夜臺(詩)又詩
曰少府懷貞節忘軀濟所奉吏道勤不息繁文長自擁旣闕優孟歌身沒
誰爲龍(詩)又詩曰韋叟識前載博物備戎華稅驟止營校淪所委泥沙
如知庸聽局方悟大音賒(詩)又詩曰處和無近累天然有勝質蕭索負
高情耿介懷私實義貴良爲重蘭摧非所恤一罷平生言寧知攜手日
又詩曰豫州懷風範卓然標雅度處約志不渝接廣情無忤頌頌事力

筆紛綸述宋素美志同山河浮年迫朝露(詩)賦(西晉)尚秀思(賦)曰
予與嵇康呂安居止接近其人並有不羈之才嵇康意遠而疎呂安心曠
而放其後各以事犯法嵇博綜技藝於絲竹特妙臨當就命顧視日影索
琴而彈之逝將西邁經其舊廬鄰人有吹笛者發聲愛亮追想曩昔遊宴
之好感音而歎故作賦云將命適于遠京遂旋返而北祖濟黃河以沈
舟經山陽之舊居踐二子之遺迹歷窮巷之空廬惟古昔以懷念心徘徊
以躊躇棟宇存而弗斂形神歎其焉如昔李斯之受罪歎黃大之長吟悼
嵇主之未辭顧日影而彈琴託運過於際會寄餘命於寸陰聽鳴笛之慷
慨妙聲絕而復尋俾駕言而將邁遂接翰而寫心 晉潘岳懷舊賦曰予
十二而獲見于父友東武戴侯楊君遂申之以婚姻而道元公嗣亦隆世
親之愛不幸短命父子凋殞予尋役于外不立高丘之山者九年于茲矣
今而經焉慨然懷舊乃作賦曰仰瞻歸雲俯鏡泉流前瞻大室旁眺高丘
東武託焉建坐啓疇巖巖雙表列列行楸予總角而獲見承戴侯之清塵
名予以國士眷予以嘉姻自祖考而隆好逮二子而世親歡攜手以諧老

庶報德之有鄰今九載而一來空館聞其無人陳菱被于堂除舊圃化而
爲新步庭無以徘徊流涕泣而雷中銘周度信思舊銘曰歲次攝提星
居鶉首梁故觀寧侯蕭永平嗚呼哀哉人之戚也既非金石所移士之悲
也寧有春秋之異高臺已傾稷下有聞琴之泣壯士一去燕南有擊節之
悲項羽之最起帳中李陵之徘徊岐路無假窮秋于時悲矣況復魚飛武
庫豫有棄甲之徵烏伏狄泉先見橫流之兆星紀吳亡庚辰楚滅原隰車
馳轅轅長往甲裳失矣餘皇棄焉河流酸棗杞梓與櫟俱沉海淺蓬萊
魚鼈共蛟龍並盡然香復道詎歛冤魂載酒厲車寧消愁氣芝蘭蕭艾之
秋形殊而並悴羽毛鱗介之怨聲異而俱哀幕府昔開俊賢翹首爲羈終
歲門人謝焉及乎東首告辭西陵長往山陽車馬未別郊門潁川宿客選
悲松路穠叔夜之山廬尚多楊柳王子猷之舊徑唯餘竹林王孫塋地方
爲長樂之宮烈士埋魂卽是將軍之墓昔嘗飲宴風月留連追憶平生宛
然心目美酒酌焉猶思建業之水鳴琴在操然念華亭之鶴重爲此別嗚
呼甚哉麟亡星落月死珠傷瓶罄壘耻之焚蕙歎所異鍾沉德水望出風

雲沒豐城氣運半斗潛然思舊乃作銘曰風雲上慘舟壑清移履履
靈君子先危紀侯大去懷王不反玉樹長埋風流遂遠有鄉故縣蓬封
邑萬里傷魂脩門詎入城連武庫山枕盧龍思歸道遠及塋無從徒送
雁空瘞長松疇昔陰貴慘舒語嘿記情絃琴風雲相得有酒如甌終温日
竟朝陽落鳳大野傷麟佳城鬱鬱流寓于秦山陽相送惟餘故人孀機
緯獨鶴孤鸞閨深夜靜風月俱寒生平已矣懷故何期匣中絃斷隣人笛
悲昔爲幕府今成德惟序梁元帝懷舊志序曰吾自北守琅臺東探禹
穴觀濤廣陵面金湯之詭險方舟宛委眺玉笥之干霄臨水登山命儔
侶中年承乏攝牧神州戚里英賢尚冠髦俊蔭真長之弱柳觀茂弘之舞
鶴清酒繼進甘果徐行長安郡公與其廷譽扶風長者刷其羽毛於是駐
伏熊迴駟命鄒湛召王祥余顧而言曰斯樂難常誠有之矣日月不居零
露相半素車白馬往矣不追春華秋實懷哉何已獨軫魂交情深宿草故
備書爵里陳懷舊焉

哀傷

毛詩曰終風衛莊姜傷已也漕州吁之難傷已不見答於先君以至困窮
又曰我心憂傷惄焉如擣 左傳曰魯襄仲殺公子惡及視而立宣公夫
人姜氏歸於齊哭而過市曰天乎仲為不道殺適立庶市人皆哭魯人謂
之哀姜 又晉不哀吾喪而滅吾同姓 禮記曰墟墓之間未施哀於民
而民哀 又曰陽門之介夫死而司城子罕哭之哀而民訟 又曰孔子
過泰山側有婦人哭於墓者而哀夫子使子貢問之對曰昔吾舅死於虎
吾夫又死焉今吾子又死焉 又曰知生者弔知死者傷 又曰傷哉貧
也生無以養死無以為禮 又曰孔子過衛遇舊館人之喪夫子入哭之
出使子貢脫駟而縛之曰予向者入而哭之過於一哀而出涕 論語曰
關雎樂而不淫哀而不傷 又曰臨喪不哀吾何以觀之哉 家語曰闕
子騫三年喪畢見於孔子與之琴使之絃切切而悲孔子曰君子也哀未
盡能斷之以禮 事具品 焦贛易林曰秋風生哀華落悲心 說苑曰鮑叔
死管仲舉上柱而哭之泣下如雨從者曰非君臣父子也管仲曰生我者公
母知我者鮑子也士為知己者死而況為之哀乎 列子曰燕人生長

蓬及老而還本國過晉國同行者誑之指城曰此燕國之城其人傲然
容指社曰此君里之社乃喟然而歎指舍曰此君先人之廬乃潛然而泣
指壠曰此君先人之冢其人哭不自禁 文子曰九夷八狄之哭異聲而
皆哀 吳志曰呂岱親愛徐原原性忠壯好直言及原死哭之甚哀曰益
友不幸岱復何聞乎 王隱晉書曰庾袞兄子孤卒袞既哀其孤又痛其
成人而未娶撫柩而號每哭聽者皆泣人不哀其喪感其哀也 又曰阮
籍鄰家女未嫁而死籍往哭之甚哀 俗說曰阮光祿大兒喪哀過遂得
失心病 琴操曰孔子遊於泰山見薪者哭甚哀孔子問之薪者曰吾自
傷故哀爾 沈約宋書曰世祖與群臣至寵姬殷貴妃墓謂劉德願曰卿
等哭貴妃若悲者當加厚賞德願應聲使號慟涕泗交橫上甚悅以為豫
州刺史上又令羊志哭志亦嗚咽甚哀他日有問志者卿卿得此副急候
志答曰我今日自哭亡妾耳 秦川記曰隴西郡有隴山山東人升此而
顧瞻者莫不悲思哀傷詩魏文帝寡婦詩曰友人阮元瑜早亡傷其妻
孤寡為作此詩霜露紛兮交下木葉落兮萋萋候鴈叫兮雲中歸燕翻兮

徘徊妾心感兮惆悵白日急兮西顏守長夜兮思君魂一夕兮九華悵延
佇兮仰視星月隨兮天迴徒引領兮入房竊自憐兮孤栖願從君兮終沒
愁何可兮文懷 魏阮弼七哀詩曰丁年難再遇富貴不重來良時忽一
過身體為土灰冥冥九泉室漫漫長夜臺身盡氣力索精魂靡所 嘉穀
設不御旨酒盈觴杯出壙望故鄉但見蒿與萊 又詩曰臨川多悲風秋
日苦清涼客手易為戚感此用哀傷攬衣久躑躅上觀心與君三星守故
次明月未收光鷄鳴當何時朝晨尚未央還坐長歎息憂難可忘 魏
王粲七哀詩曰西京亂無家豺虎方躩患復棄中國去遠身適荆蠻親戚
對我悲朋友追相攀出門無所見白骨蔽平原南登灞陵岸迴首望長安
悟被下泉人喟然傷心肝 又詩曰荆蠻非我鄉何人久滯滯方舟溯大
江日暮愁我心山岡有餘映巖阿增重陰流波激清響發後臨岸吟獨夜
不能寐攝衣起撫琴絲桐感人情為我發悲音 晉張載七哀詩曰秋風
吐商氣蕭瑟掃前林陽鳥收和響寒蟬無餘音木光馳北陸浮景想西沈
顧望無所見雅觀松栢陰肅肅高相枝翩翩孤栖禽仰聽離鴻鳴俯聞蟬

別吟哀人易感傷物增悲心 晉潘岳關中詩曰哀此黎元無罪無辜
肝腸塞地白骨交衢夫行妻寡父出子孤俾我晉民化為狄俘 又哀詩
曰淮如蕪落樹絕若兩絕天雨絕有歸雲葉落何連山時氣冒嶺嶺長風
散松栢堂虛聞鳥聲室暗知日夕晝暮奄逮昏夜思忽終昔展轉獨悲窮
泣下猶枕席人居天地間飄若遠行客先後詎能幾誰能獎金石 又悼
亡詩曰皎皎窓中月照我室南端清商應秋至溽暑隨節闕漚漚涼風升
始覺夏衾單宜曰無重續誰與同歲寒歲寒無與同朗月何曉曉展轉
枕席長簟竟牀空牀空委清塵室空來悲風露骨安能已悲懷從中起
輿日存形遺音猶在耳 又悼亡詩曰在昔冬春謝寒暑忽流易之子歸
窮泉重壤末幽隔望廬思其人入室想所歷惟屏無髮髻翰墨有餘跡流
芳未及歇遺桂猶在壁悵脫如或存迴還忡驚惕如彼翰林鳥雙栖一朝
隻如彼游川魚此目中路隔 又思子詩曰造化甄品物天命代虛盈奈
何念稚子懷奇隕幼齡追想存髮鬢感道傷中情一往何時還千載不復
生 宋顏延之除弟服詩曰但沒離二秋淹泣備三冬往展緬難紀來笑

忽易窮升沒奄菴悔灑掃易禮容縞衣髮余體長逝歸爾躬 又辭難酬
麟詩曰緜獨春郊旬俛仰引單襟一塗者不豫百慮畢來侵永懷交在昔
有願誓琴寫言勞者事將用慰亡簪 齊謝朓銅爵臺妓詩曰總惟飄
并幹尊酒若平生鬱上西陵樹詎聞歌吹聲芳襟染淚跡嬋媛空復情玉
坐猶寂寞况乃妾身輕 梁簡文帝傷美人詩曰昔聞唱女別蕩子無歸
期今似陳王嘆流風難重思翠帶留餘結苔階沒故基圖形更非是夢見
反成疑燠鑪含好氣庭樹吐華滋香燒日有歇花落無還時 梁任昉哭
范僕射詩曰平生禮數絕式瞻在國禎一朝萬化盡猶我故人情已矣平
生事誄歌盈篋笥兼復相朝調常與虛舟值何時見范侯還叙平生意
梁沈約蕭丞相弟詣世子車中作詩曰廉公失權勢門館有虛盈貴賤猶
如此况乃曲池平高車塵未滅珠履故餘聲賈階綠錢滿客位紫苔生
當九原上鬱鬱望佳城 梁蕭子范入元襄王弟詩曰伏軾窺東苑收淚
下王橋昔時方鼓處於今共寂寥夾池猶裊裊仙樹尚迢迢一同西蘇
侯思芳樹蕭 梁王筠和蕭子範入元襄王弟詩曰昔入睢陽苑

要今遊故處處回車間無人皓壁留餘篆熏園有餘芬行人皆墮淚何獨
無人窺 梁吳筠傷友詩曰可憐桂樹枝遠芳君不知摧折寒山裏
無人窺 梁何遜行經范僕射故宅詩曰旅蔡應蔓井荒藤已上扉寂寂
空郊暮無復車馬歸飲豔故池水蒼茫落日暉聞寂今如此行客盡
又銅爵臺妓詩曰秋風木葉落蕭瑟絃管清望陵歌對酒向帳舞空城
寂寂 梁列孝緯銅爵臺妓
叔瞻字曠飄飄帷幙輕曲終相顧起日暮松柏聲 梁列孝緯銅爵臺妓
詩曰爵臺三五日歌吹似佳期定對西陵晚松風飄素帷危絃斷更
傷於此時何言留空袂翻掩望陵悲 梁庾肩吾亂後經吳郵亭詩曰
亭一廻望風塵千里昏青袍異春草白馬即吳門獯戎鞭伊洛雜種
輾轡道同關塞王城似太原休明曷尚重秉禮國猶存牧牖友雜蹟
吏轉尊位血悲東走橫戈念北奔方憑七廟略誓雪五陵冤人事今
天道共誰論 周庾信傷周處士詩曰真漢爾游岱淒涼予向秦雖言
生死同是不歸人悵然張仲蔚悲哉鄭子真三山猶有鷓鴣五柳更
應春遂 周王褒送觀亭侯聖詩曰丹旆書空位素帳該

虛樽楚琴南操絕管書舊說存西藥傷新樹東陵借故園自憐悲谷影彌
念玉闕門餘暉天盡末夕霧起山根平原看獨樹皇亭望列村寂寥還蓋
靖荒茫歸路昏挽鐸已流唱童歌行自喧眷言千載後誰將遊九原 又
送劉中書墓詩曰昔別傷南浦今歸去北邙書生空記夢又客每思鄉塞
近邊雲黑塵昏野日黃陵谷俄遷變松栢易荒涼題銘無復迹何處驗龜
長 陳沈炯望郢州城詩曰魂兮何處反非死復非仙坐祠如昨日石合
未淹年歷陽頰城浦東海果為田空憶扶風詠誰見硯山傳世慶才良後
時移民物遷悲哉孫驃騎悠悠哭彼天 又長安還至方山愴然自傷詩
曰秦軍坑趙卒遂有一人生雖還舊鄉里危心曾未平淮源比桐栢方山
似削成猶疑屯虜騎尚畏值胡兵空村餘拱木廢邑有頽城舊識莫不盡
新知皆異名百年三萬日處處此傷情 陳陰鏗和樊晉陵傷妾詩曰盡
梁朝日盡芳樹落花辭忽以千金矢長作九泉悲鏡前塵劇粉鏡上網名
絲戶餘雙入鷺牀有一空惟名香不可得何見及魂時 陳張正見銅爵
壘詩曰荒涼銅爵晚拾落墓田通雲慘當歌日松吟欲舞風人疏瑞席冷

曲羅帳空可惜金將淚俱盡望陵中

隋江總奉和東宮經故妃舊殿

詩曰故殿看看冷空階步步悲猶憶窺窻處遠如解佩時蒼生無意更
入有書選若令歸就月照見不須疑 又傷顧野王詩曰獨酌一樽酒高
誅七哀詩何言蒿里別非復竹林期階荒鄭公草戶聞董生惟人隨暮
落客共晚鶯悲年髮兩如此傷心獨幾時 又和張源傷佳詩曰小婦當
鑪夜夫奔凱師年正歌千里曲翻入九重泉機中未斷素瑟上本留絃空
帳臨牕掩孤燈向壁燃還悲塞龍曙松短未生烟(賦)漢武帝李夫人賦
曰飾新宮以延佇恨不歸乎故鄉慘辭辭其蕪穢處隱隱而懷傷釋輿馬
於山椒本修夜之不陽秋氣惜以悽灰桂枝落而消亡神炲炲以送思精
浮遊而出疆託沉陰以曠久惜繁華之未央念窮極之不逮惟要妙而相
伴 後漢蘇順歎懷賦曰悲終風之隕籜條枝梢以摧傷挂敷榮而方盛
遭暮冬之隆霜華菲菲之將實中天零而消亡童烏濬其明哲悲何壽之
不將嗟列生之若茲奄彌留而未喪 魏文帝悼天賦曰族第文仲亡特
年十一母氏傷其天逝追悼無已予以宗族之愛乃作斯賦氣紆結以填

曾不知涕之縱橫時徘徊於舊處觀靈衣之在牀感遺物之如故痛爾身
之獨亡愁端坐而無聊心感感而不寧步廣廈而踟躕覽萱草於中庭悲
風蕭其夜起秋氣替以厲情仰瞻天而太息聞別鳥之哀鳴 又寡婦賦
曰陳留阮元瑜早亡每感存其遺孤未嘗不愴然傷心故作斯賦惟生民
兮艱危在孤寡兮常悲人皆處兮歡樂我獨怨兮無依撫遺孤兮太息俛
哀傷兮吉誰三夜周兮逆照寒暑運兮代臻歷夏日兮苦長淫秋夜兮淒
淒微霜墮兮集庭燕雀飛兮我前夫秋兮就冬改節兮時寒水凝兮冰
雪落兮翻翻傷薄命兮寡獨內惆悵兮自憐 又感物賦曰喪亂以來天
下城郭丘墟惟從太僕君宅尚在南征荊州還過鄉里舍焉乃種諸蔗于
中庭沁夏歷秋先盛後衰悟興廢之無常慨然未歎乃作斯賦伊陽春之
散節悟乾坤之交靈瞻文雲之蒼翳仰沉陰之杳冥降甘雨之豐霽垂長
溜之泠泠振中堂而為圃植諸蔗于前庭涉炎夏而既盛迄凜秋而將衰
豈在斯之獨然信人物其有之 魏陳王曹植慰子賦曰彼九人之相親
小離別而懷戀况中腸之愛子乃千秋而不見入空室而獨倚對寒帷而

物動增人亡而物在心何忍而復觀日曉曉而既沒月代照而舒光仰
星以至果衣霜露而含霜惟逝者之日遠愴傷心而絕腸 魏高貴鄉公
傷魂賦曰上宗東征宗正曹並以宗室材能兼侍中從行到頃得疾數日
亡意甚傷之為作此賦宗臣充于常伯體材藝而中良何昊天之不佑
暴疾而隕亡惟厥疾之初發若常疾之輕微未驚日而沉篤氣憊而好
衰岐鵠騁技而弗救豈藥石之能追精魂忽已消散神眇眇而長違 魏
王粲傷天賦曰惟皇天之賦命實浩蕩而不均或老終以長世或昏天而
風泯物雖存而入亡心惆悵而長慕哀皇天之不惠抱此哀兩尚想求魂
神之形影羗幽冥而弗逢淹位徇以想像心彌結而紆縈晝忽忽其若昏
夜炯炯而至明 又思友賦曰登城隅之高觀忽臨下以翔翺行遊目於
林中覩舊人之故場身既沒而不見餘迹有而未喪滄浪浩兮迴流波水
石激兮揚素精夏木兮結莖春鳥兮愁鳴平原兮決泮綠草兮靡生超長
路兮凌迤實舊人兮所經身既逝兮幽翳魂眇眇兮藏形 又寡婦賦曰
闔門兮却掃幽處兮高堂提孤孩兮出戶與之步兮東顧顧左右兮相泣

意悽愴兮摧傷觀草木以敷榮感傾葉兮落時人皆懷兮歡豫我獨感兮
不怡日掩暎兮不昏明月皎兮揚暎坐幽室兮無為登空牀兮下帷涕流
連兮交頤心惻結兮增悲 魏丁廡妻寡婦賦曰惟女子之有行固歷代
之彝倫辭父母而言歸奉君子之清塵如懸蘿之附松似浮萍之託津何
性命之不造遭世路之險迤榮華睇其始成所恃奄其祖泯靜閉門以却
掃魂孤亮以窮居刷未寐以白望易玄帳以素幃令慘悴以何訴抱弱手
以自慰時翳翳以東陰日豐豐以西隆難欽翼以登棲雀分散以赴肆還
空牀以下幃拂衾褥以安寐想逝者之有憑因宵夜之髮鬢痛存沒之異
路終窈冥而不至時在再而不留將遷靈以代行駕龍輅於門側設祖祭
於前廊彼生離其猶難矧末絕而不傷自銜恤而在夜履冰冬之四節風
蕭蕭而增勁寒凜凜而彌切霜淒淒而夜降水瀼瀼而晨結曠靈宇之空
虛悲屏幌之徒設仰皇天而歎息腸一日而九結惟人生於世上若馳騁
之過權計先後其何幾亦同歸乎幽冥 晉陸機歎逝賦曰昔每聞長者
造計平生同時親故或曾共遊一途同宴一室十年之外索然已盡以是

思焉哀可知矣賦曰悲夫川閼水以成川水滔滔而日度世閱人而為世
人冉冉而新暮人何世而弗新世何人之能故亮造化之若茲吾安取夫
及長痛靈根之夙殞怨具爾之多哀悼堂構之隕瘁懸城闕之丘荒親彌
感其已逝交何感而不忘弥年時之詎哉夫何往而不殘或冥邇而既不
感寥廓而僅半信於茂而拍悅嗟之焚而蕙歎荷性命之弗殊豈同彼而
異彌年弥往而念廣塗薄暮而迫迫顧舊要於遺存得十一於千百 又
懸思賦曰予屢抱孔懷之痛而奄復喪同生姊銜恤哀傷一載之間而喪
制便過故作此賦以紆慘惻之感時方至其儵忽歲既去其晚晚樂未日
之有繼傷頽年之莫暮覓万物以澄念怨伯姊之已遠尋遺塵之恩長瞻
日月之何短并降乎階際顧盼兮屏營雲承字兮請上風入室兮泠泠僕
從為我悲孤鳥為我鳴 又大暮賦曰夫死生是失得之大者故樂莫甚
焉哀莫深焉使死而有知乎安知其不如生如遂无知耶又何生之足悲
故極言其哀而終之以達庶以開夫近俗云夫何天地之遼闊而人生之
不可久長日引月而並隕時惟歲而俱喪徒假願於須臾指夕景而為誓

忽呼吸而不振奄神祖而形弊於是六親雲起姻族如林爭塗掩淚聖門
率音敷慳帝以悠想陳備物而虞靈仰靈廟而无見俯寂寞而无声龍
上其不毀酒湛上而每盈也送客於山足狀堦道而哭之有幽戶以大畢
泝玄闕而長辭歸无途号往不反年弥去号逝弥遠弥遠号日隔无途号
曷因庭樹号葉落暮草号根陳 晉潘岳悼亡賦曰伊良嬪之初降幾二
紀以迄茲遭兩門之不造備荼毒而嘗之嬰生親之至極又薄命而早終
含芳華之芳列翩零落而從風神飄忽而不反形焉得而又安龍時服於
遺寶表餘蓋於餘顏問筮賓之何期宵过分而參闈詎幾時而見之目寐
恋以相屬聽輟人之唱籌來声叫以連續聞冬夜之恒長何此夕之一如
且伉儷之片合垂明哲乎嘉礼苟此義之不謬乃全身之半躰吾聞喪礼
之在妻謂制童而哀輒既履冰而知寒吾今信其緣情夕既昏号朝既清
延爾族号臨後庭入空室号望灵座惟飄上号灯發上灯發上号如故惟
飄上号若存物未改号人已化饋生塵号酒停樽春風号泮水初陽号
上号遙上号浸遠嗟然上号孤魂 又寒婦賦曰樂安任子咸著事亦

不幸弱冠而終其妻又吾姨也故作斯賦伊女号之有行善華
高機承慶雲之光覆荷君子之恩澤素蒸嘗之効順供灑掃以弥載榮華
韓其始茂良人忽以捐背愁煩寃其誰告提孤孩於坐側時暖上而向昏
日杳杳而西匿雀群飛而赴楹雖登樓而斂翼歸空館而自憐抚衾悒以
歎息耳傾想於畴昔自髮鬢乎平素雖冥冥而罔覿猶依依以憑附自仲
夏而在夜踰覆霜以踐冰雪霏上而驟落風瀏上而夙興意怆惚以迂越
神一女而九升麻浸遠而哀降情惻上而弥甚願假夢以通灵目烟上而
不寢夜湯上以悠上寒懷上以凜上氣憤薄以乘曾涕交橫而流枕重曰
仰皇天号歎息私自憐号何極首撒躬号孤弱顧稚子号未識如涉川号
無津若陵壘号失翼 晉王渾妻鍾遐思賦曰惟仲秋之慘悽百草萎悴
而變衰鷲翔逝而歸海蟋蟀鳴而相追坐虛堂而无寒嗟我心之多懷悵
遐思而內結嗒爾姜任顛不我留謀民生之未幾吾何為其多愁涼風蕭
條露沾我衣憂來多方慨然我懷感飛鳥之反鄉詠衛女之思歸於是周
遵容與道遙彷徨悲民生之有促顛軫舉之遐翔 晉劉滔母孫氏悼

賦曰伊稟命之不辰遭天難之靡忱夙无父之何怙哀壅瘁以抽心覽義之遺詠詠肥泉之餘音經四位之代謝雖積祀而思深伊三從而有歸爰奉嶺於他族仰慈姑之惠和荷仁澤之陶渥釋裝服以斬衣代羅帷以縞布仰慈尊以飲泣抚孤景以傷慕遇飛廉之暴骸觸驚風之所會扶搖奮而上躋顏雲下而无際頌余邑之當春望峻陵而鬱青瞻空宇之寥廓愍宿章之發生顧南枝以求哀向北風以飲泣情无觸而不悲思无感而不集 宋孝武帝擬漢武帝李夫人賦曰觀周氏之逸篇覽漢室之遺篆弔新宮之掩映嗟壁臺之蕪踐雖媛德之有載竟滯悲其何遣念挂枝之秋霄借帝華之春翦彤殿閑兮素塵積翠祀蕪兮紫苔生宝羅暘兮春幌重珍簾空兮夏憇荷秋臺惻兮碧煙凝冬宮列兮朱火青流津有然深心无歇徙倚雲日徘徊風月思玉步於鳳墀想金声於鸞閣 宋謝灵運感時賦曰夫逝物之感有生所同類年致悲時惧其速豈能忘懷乃作斯賦相物類以迨已閔交臂之匪餘揆大蓋之或遙指崦嵫於西河鑿三命於子躬但行年之蹉跎于鷓鴣之先号挹芳芳而夙过微灵芝之類

朝露其如何雖發數之早晏諒太暮之同科 又傷已賦曰嗟夫下賞於建城孫別駢於千里彼珍駿以貽愛此陋容其敢擬丁曠代之溘惠嘗鑒眷於君子眺祖焄之驟經觀芳春之每如拾春芳而茂物終歲徂而感已貌憔悴以衰形意幽翳而苦心出衾裯而載坐關瞻幌以迥臨望水滸而周流眺幽閨之清陰想輕綦之往跡食和整之餘音播芬煙而不燻張明鏡而不照歌白華而絕曲奏蒲生之從調 宋顏延之行殮賦曰嗟我來之云遠觀行殮於水隅崩朽棺以掩壙仰枯顙而枕衢資沙礫以舍安藉水章之櫬儲撫躬中塗太息蘭渚行徘徊於求路時情愴於川侶 宋鮑照傷逝賦曰晨登南山望美中河露團秋槿風卷寒蘿悽愴傷心悲如之何盡若窮烟離若箭弦如影滅地猶星殞天棄華宇於明世閉金局於下泉修堂無而下降歷幃戶而升基志存業而遺緒身先物而長辭日月飄而不留命儵忽而誰保髮迎愛而送華貌先悴而收藻 梁沈約傷美人賦曰信美顏其如玉咀清哇而度曲思佳人而未來聖靈光而躑躅拂螭雲之高帳陳九枝之華燭虛翡翠之珠被空合歡之芳褥言歡愛之可

求廣羅袂之空裁曾未申其巧笑忽淪軀於夜臺伊芳春之冲節豈猶長而未遽悵徙倚而不眠往徘徊於故處 梁江淹傷友人賦曰泫然零衣兮悲袁友之英秀系萍緒而作氏胤靈枝而歿胃輒四代而式昌洎十葉而克茂支人之生川岫降明譬如冬雪既華既潔將以秋月至麗至徹乃上代而少雙故叔世而曠絕弔惠若之暫芳勸瓊琰之永缺余幻好於斯人乃神交於一顧邈疇年之繼繼竊生平之遊過懷愛重於素壁結分珍於黃金捨一世而笑淺訪古人而求深固齊術而共徑豈異袖而同襟爾凝情於霜柏我發志於冬桂帶瑤玉之爭光握隨珠而比麗予結誼於東門復從宦兮朱蕃何人徑之亟阻而天道之匪存清碧玉之神樹銷紫芝之靈根承遠書於江滋結深痛於爾魂 梁蕭子範傷往賦曰彼蘭菊之芳茂及蕙槿之榮色終於邑乎繁霜俱飄飄於路側引輕華之微珍猶塊塊於有識况獨立之外媛信勿盈而挺植去倡家而來儀承君子之宴息權麗容而思進豈賦四之何抑詠美膝而自咸歌忠妾而為式痛妖嬖之不留惜華年之中天真雁祥之求慶忽從颺而先探魂一逝而莫追少者

長而無曉惟君侯之惆悵覽遺物而帶巾帷半垂而將下尚仿像而疑真襖方土之良術顯有憑而致神 周庾信哀江南賦曰粵以戊辰之年建亥之月大盜移國金陵瓦解信年始二毛即逢喪亂狼狽流離至于暮齒燕河遠別悲不自勝楚者相逢泣梓河及鍾馗君手入就南冠之囚季孫行人留守西河之館申包胥之頓地碎之以首蔡威公之淚及加之血孫策以天下為三分袈袂一旅項羽用江東之子弟人唯八千遂乃分裂山河宰割天下宜有百萬義師一朝卷甲芟夷斬伐如草木焉江淮無涯岸之阻亭壁無藩籬之固將非江表王氣應終三百年乎嗚呼山岳崩頽既有危亡之運春秋迭代必有去故之悲天意人事可以悽愴傷心昔矣賦曰始則王子召戎姦臣介冑既官政而離邊遠師言而泄漏余乃傑黠構扇憑陵哉句青袍如草白馬如練天子履端廢朝車不長圃高宴竟遭夏臺之禍遂覩堯城之變遂乃韓分趙裂鼓臥旗折失群班馬迷輪亂轍猛士嬰城謀臣卷舌昆陽之戟象走材常山之陣蛇奔穴五郡則兄弟相悲三州則父子離別於是桂林顛覆長洲藥鹿潰潰沸騰茫茫慘澹競動

天開爭迴乾軸探雀數而未飽待熊蹯而詎熟乃有車側郭門筋懸廟屋
鬼同曹社之謀人有秦庭之哭西瞻博望地臨玄圃月榭風臺池平樹古
仁壽之鏡徒懸茂陵之書空聚中宗之夷凶靜亂大雪冤耻去代即而承
基迂唐郊而秦祀反舊章於司隸歸餘風於正始沉猜則方造其欲藏厥
則自矜於已天下之事沒焉諸侯之心搖矣既而齊交比絕秦患西起况
背關而懷楚異端委而開吳驅綠林之散卒拒驪山之叛徒問諸淫昏之
鬼求諸厭効之巫荆門遭廩延之戮夏口濫遼泉之誅况以冷氣宵浮妖
精夜殞赤鳥則終朝夾日蒼雲則七重圍軫亡吳之歲既窮入蜀之年斯
及周舍鄭怒楚結秦怨有南風之不竟值西隣之責言俄而梯衝亂舞與
馬雲屯棧秦車於陽轍沓漢鼓於雷門雖復楚有七澤人稱三戶解洞庭
兮落木去潯陽兮極浦燧火兮焚旗真風兮害蠱乃使玉軸揚灰龍折柱
下江餘城長林故營徒思駟之秣未見燒牛之兵草曼友以轂走宮之奇
以族行河無小而馬渡關未曉而雞鳴忠臣解骨君子吞聲草葉與秦之
所雲夢為寺之地荒谷縊於莫教治甫囚乎群師剛奔指拉鷹鷂批獲于

轉光輝水泮風飛電散渾然千里滯滯一亂雪暗如沙水橫如峴逢是
之際機見離家之王藥莫不聞隴水而掩泣向關山如表歎又傷心賦
曰予五行無徵三靈用譴至于繼躰多從夭折二男二女並得勝衣金陵
喪亂相守亡沒苗而不秀頗有所悲唯棄傷心遂以傷心為賦悲哉秋氣
搖落變衰魂兮遠矣何堪何依望思無望歸未不歸未達東門之意空悞
西河之譏在昔金陵天下喪亂王室版蕩生人塗炭兄弟則五郡分張父
子則三州離散地鼎沸於袁曹人豺狼於楚漢或有擁樹離災藏衣遭難
未設桑弧先空柘館人惟一丘亭遂于秋邊韶求恨孫楚長愁張壯武之
心亡羊南城之淚流痛斯傳躰尋茲世載天道斯慈人倫此愛膝下龍摧
掌中珠碎芝在室而先枯蘭生庭而早刈况乃流寓秦川飄飄播遷從宦
非宦歸田不田對玉關而羈旅坐長河而暮年以觸目之萬恨更傷心於
九泉哀辭魏陳王曹植金縢哀辭予之首女雖未能言固已授色知心
矣生十九旬而夭折乃作此辭曰在襁褓而撫育向孩笑而未言不終年
而天絕何負罰於皇天信吾罪之所招悲弱子之無辜去父母之懷抱感

微骸於糞土天地長久人生幾時先後無竟從爾有期 又行女哀辭曰
行女生于季秋而終于首夏三年之中二子顛喪伊上靈之降命何短猶
之難裁或垂髮以終年或懷妊而逢災感前哀之未闕復新歿之重來方
朝華而晚敷比晨露而先晞感逝者之不追情忽忽而失度天蓋高而無
階懷此恨其誰訴 又仲雍哀辭曰曹喟字仲雍魏太子之中子也三月
生而五月亡昔后稷之在寒冰閻穀之在楚澤成依鳥憑虎而無風塵之
災今之玄弟文茵無寒冰之慘羅綺綺帳暖於翔禽之翼幽房閉宇密於
雲夢之野慈母良保仁乎烏菟之情卒不能延期於葦載離六旬而天沒
彼孤蘭之眇眇亮成幹其畢榮哀綿綿之弱子早背世而潛形且四孟之
未周將何願乎一齒陰雲回於素蓋悲風動而扶輪臨埏闔以歔歔淚淚
射而霑巾 晉陸機吳大司馬陸公少女哀辭曰冉冉輪陽不遂其茂
曄芳華凋芳落秀薄空室空室空室空室空室空室空室空室空室空室
哀求逝辭曰逝日長兮生年殘愛患衆兮歡樂渺悵悵兮遲遲遵古路兮
言歸思其人兮已滅覽餘跡兮未夷昔同塗兮今異世憶昔歡兮增新悲

或改固歡哀兮情換歸友哭兮殯宮聲有止兮哀無終既傾愴兮家道長
寄心兮爾躬 又傷弱子辭曰予之長安父于新安千秋亭而弱子天感
靡博之哀乃傷之曰奈何兮弱子歟集爾兮立林還眺兮墳瘞並莽莽兮
森森伊遠古之遐胃建福考之求延咨吾家之不嗣羗一適之未既仰
不堂之遺構若無津而涉川葉落求離覆冰不收赤手何辜罪我之由
金鹿哀辭曰嗟我金鹿天資特挺鬚髮疑膚蛾眉顰頰柔情和泰朗心
如警鳴呼上天胡忍我門良嬪短世令予天昏既披我幹又翦我根愧如
魂木枯萎獨存指手中野遵我歸路將及如疑回首長顧 又陽城劉氏
妹哀辭曰烏鳴于栢鳥鳴于荆徘徊躑躅立聞其聲相彼羽族矧伊人情
叩心長叫痛我同生誕育聖王發其稚齒如彼名駒昂昂于里劉氏懷
室未曜隨和伊予輕弱弗克負荷祿微於朝貯置于家俾我令妹勤儉
加珍羞罕御器服靡華撫膺恨毒逝矣奈何哀哀母氏蒸蒸聖慈震動
標何痛如之魂而有靈豈不慕思老哉往矣當復何時 又悲耶生曰周

文公之苗裔予元舅之洪胄厲操確其不核御譽著而日就妙邦歲而高
宗雄州間以擢秀茂實賜矣而休名未衍其財至貧其位至賤而死之日
奔者為靈庭停余車而在郊撫靈觀以增悲瞻輅容而想像曾無覩乎餘輝
送子兮境垂求訣兮路岐一別兮長絕盡哀兮告離 又京陵女公子王
氏哀辭曰猗歎公子季女惟王生自洪胄稟茲義方矜情黎麗窈窕淑
如被春蘭吐葩含芳葩以霜彌以敬盡彼蒼者天胡寧斯忍曾未弱笄
疾而隕宮朝震驚靡人不怒嗟爾母氏助勞撫鞠恩斯勤斯是長是育惟
屏媚子奄離顧復哀無廢心涕不輟目于以祖之于掖閨庭于以送之陵
崗雀鬼僕馬迴眷旗旒旋飛夕陽共悲晴鳥忘歸皎皎宵月載為載微寔
真公乎一往不追長夜無旦孤魂尚依 又為任子或妻作孤女澤蘭哀
辭曰茫茫造化爰啓英淑猶猗澤蘭應靈誕育鬢髮娥眉巧笑美目頽羅
榮芳華茂特約如金之精如蘭之馥淑質彌暢聰惠日新朝夕顧復夙夜
盡勤被蒼者天哀此矜人胡寧不惠忍予恥身俾爾嬰瑪微命弗振俯覽
老嫗仰訴兮是弱子在懷既生不遂存靡託躬沒無遺類耳存遺類自

蘇頌癯瘠伏枕推心剖肝相彼鳥矣和鳴嚶嚶引伊蘭手音影冥冥
白華從倚墳壙文又為楊長文作弟仲仁哀祝文曰悠悠上天我獨何
辜祖考早世兄弟幼孤浦嘗艱毒同集象父兮生我過庭靡聞母兮鞠
我寧一苦辛日顧日復我弟我身並自垂髮越于成人濂哲聰朗純粹温
良烈烈清風邦族之望母氏幼勞庶爾之報彼蒼者天子何不弔殲我令
弟窮泉是造無父何怙無弟何友莞莞此身哀哀慈母煩冤痛毒撫心恩
外哀爾薄祐逢家多阻弱冠未室盛年絕緒喪庭寥廓廬位無主冥冥長
夜窈窕玄宇當復何時見我仲武于以附之于其王父魂而有靈神其寧
處 晉孫楚和氏外孫道生哀文曰嗚爾道生和氏之寶玉顏豐下睢於
懷抱暮春而育孟冬而夭二十三旬奇于五日方之期順百分之一命之
脩短始則有終誰能長久與天無窮靈初近于殤乎幼冲俱反無形冥昧
之中造化多少豈獨爾躬 又和氏外孫小同哀文曰擘擘壽華朝生夕
落爾命方知猶為淺薄暫有冥質尋交冥冥譬彼蟬蛻不識晦朔死尚未
知生亦焉知爾雖旬月我未之視萬物混為天地一指抄未嬰孩安足補

誅大人達觀同之一揆 又胡母夫人哀辭曰 鴻鶴文川浩浩雲漢乃眷
洪族裁育美媛幼挺芳烈暉光日新有美其猗有鬼其文華茂春芳志厲
秋霜避造之過遭茲良會豈惟中饋義形于外恒憑賢明以自休積慕享
末年偕老一世景命伊何忽然長逝 梁簡文帝大同哀辭曰大同予第
十子也生於仲秋殞於冬末悲夫夕坐於是申且當以食之不甘客謂予
曰死生常也夫壽命也陳蕃又憇之家父記玄錄之歲華歆所聞之語已
定北陵之期上聖所以忘情賢者所以達節將何戚焉予對之曰觀其明
眸豐下玉色和聲豈不登髻歲而擬觸藩反執樽而仰折李靈心摧於毫
末慧識挫於跬步豈不傷哉乃為辭曰彼神靈之靈長獲萬春之悠緬有
薜華之灼灼寄一朝之浮淺信歡慰之未幾悼天零之云及乃變樂而為
悲遂改笑而成泣重曰晉劉臻妻陳氏答舅母書曰元方春秋始富德業
亦隆弘道博文才質兼備其志與時暢榮耀當年豈意一朝真然長往元
方冲幻過庭莫聞聖善明訓業成三徙亦既冠婚雙譽允集庶幾惜老
去靡下而歟厲橫流艱禍仍遘媛姊傾逝宗模永絕姑方玄華並天

其哀甚圖禍降彌酷良才天於始立崇基殞於一匱仰痛殄滅愴悼二傷
斯人斯命當可奈何母年踰耳順備經百罹一紀之中四遭至痛目前
然三從靡託窮悼中發情馳難處 梁任昉與沈約書曰范僕射遂不救
疾范侯淳孝睦友在家必聞直道正色立朝斯著一金之俸必徧親倫鍾
庚之秩散之故舊佐命興王心力俱盡謀猷忠允諒誠匪躬破產而字死
友之孤開門而延故人之殯則惟其常無得而稱矣器用車馬無改平生
之憑素論歎對不易希素之交若斯人者豈云易遇昉將在此邦務在遠
速離解駕流連再貽欵顧將乖之際不忍告別無益離悲祗增今恨永念
平生忽焉疇曩追尋笑緒皆成悲端 又弔樂永世書曰永世孝友之至
發自天真皎潔之操曾非矯飾意有所固白刃不移理有所託淄澠自辨
餘息惟存視陰無幾終始之託方寄邠侯豈謂樂生反先朝露以理遺帶
鄙識未曉以事尋悲哀楚交至宿草易滋傷恨不滅松檟可拱悲緒無窮
梁劉孝標追若劉沼書曰劉侯既有斯難值予有天倫之職竟未之致也
尋而此君長逝化為異物緒言餘論縕而莫傳或有自其家得而示予者

予悲其音微未沫而其人已亡青簡尚新而宿草將列泫然不知涕之無
從也雖隙駟不留尺波電謝而秋菊春闌 華糜絕故存其梗槩更酬其
旨若使墨翟之言無爽宣室之談有徵 之樹望咸陽而西糜蓋山
之泉聞弦歌而赴節但懸劔空壺有恨如何

藝文類聚

三十四

